

Қазақстан Республикасының Үкіметі мен Ресей Федерациясының Үкіметі арасындағы
М.В. Ломоносов атындағы Мәскеу мемлекеттік университетінің Қазақстандық
филиалының жұмыс істеуі туралы келісімге қол қою туралы

Қазақстан Республикасы Үкіметінің 2017 жылғы 12 қазандағы № 639 қаулысы

Қазақстан Республикасының Үкіметі ҚАУЛЫ ЕТЕДІ:

1. Қоса беріліп отырған Қазақстан Республикасының Үкіметі мен Ресей Федерациясының Үкіметі арасындағы М.В. Ломоносов атындағы Мәскеу мемлекеттік университетінің Қазақстандық филиалының жұмыс істеуі туралы келісімнің жобасы макұлдансын.

2. Қазақстан Республикасының Білім және ғылым министрі Ерлан Кенжеғалиұлы Сағадиевке Қазақстан Республикасының Үкіметі мен Ресей Федерациясының Үкіметі арасындағы М.В. Ломоносов атындағы Мәскеу мемлекеттік университетінің Қазақстандық филиалының жұмыс істеуі туралы келісімге қағидаттық сипаты жоқ өзгерістер мен толықтырулар енгізуге рұқсат бере отырып, Қазақстан Республикасының Үкіметі атынан қол қоюға өкілеттік берілсін.

3. Осы қаулы қол қойылған күнінен бастап қолданысқа енгізіледі.

Қазақстан Республикасының
Премьер-Министрі

Б. Сагынтаев

Қазақстан Республикасы
Үкіметінің
2017 жылғы 12 қазандағы
№ 639 қаулысымен
мақұлданған

Жоба

Қазақстан Республикасының Үкіметі мен Ресей Федерациясының Үкіметі
арасындағы М.В. Ломоносов атындағы Мәскеу мемлекеттік университетінің
Қазақстандық филиалының жұмыс істеуі туралы келісім

Бұдан әрі Тараптар деп аталатын Қазақстан Республикасының Үкіметі мен Ресей Федерациясының Үкіметі

1997 жылғы 17 қантарда Мәскеу қаласында жасалған Тәуелсіз Мемлекеттер Достастығының бірыңғай (ортак) білім кеңістігін қалыптастыру жөніндегі ынтымақтастық туралы келісімнің,

1998 жылғы 24 қарашада Мәскеу қаласында жасалған Беларусь Республикасының Үкіметі, Қазақстан Республикасының Үкіметі, Қырғыз Республикасының Үкіметі және

Ресей Федерациясының Үкіметі арасындағы Білім туралы құжаттарды, ғылыми дәрежелерді және атақтарды өзара тану және баламалылығы туралы келісімнің,

2000 жылғы 23 мамырда Минск қаласында жасалған 1999 жылғы 26 ақпандығы Кедендейтін одақ және Біртұтас экономикалық кеңістік құру туралы шартқа қатысушы мемлекеттерде жоғары оқу орындарының филиалдарын ашу және оның қызметі туралы келісімнің ережелерін басшылыққа ала отырып,

жоғары білім беру саласындағы ұзақ мерзімді ынтымақтастық пен өзара іс-қимылды терендегу мүддесінде,

төмендегілер туралы келісті:

1-бап

Осы Келісіммен Тараптар М.В. Ломоносов атындағы Мәскеу мемлекеттік университетінің Қазақстандық филиалының (бұдан әрі – филиал) жұмыс істеу шарттарын бекітеді.

2-бап

Осы Келісімді іске асыруға жауап беретін уәкілетті органдар мен ұйымдар:

Қазақстан тарапынан – Қазақстан Республикасының Білім және ғылым министрлігі, Л.Н. Гумилев атындағы Еуразия ұлттық университеті (бұдан әрі – ЕҰУ);

Ресей тарапынан – Ресей Федерациясының Білім және ғылым министрлігі, М.В. Ломоносов атындағы Мәскеу мемлекеттік университеті (бұдан әрі – ММУ).

3-бап

Филиал белгіленген тәртіппен бекітілген ММУ Жарғысына және Филиал туралы ережеге сәйкес Қазақстан тарапының мүліктік базасында ММУ-дің оқшауланған құрылымдық бөлімшесі ретінде жұмыс істейді.

Қазақстан тарапы филиалдың қызметін жүзеге асыру үшін қажетті ЕҰУ мүлкін оны алып қоймай және үшінші тұлғаларға бермей филиалға өтеусіз пайдалануға береді.

Қазақстан тарапына бекітілген, оның ішінде ЕҰУ-ға бекітілген мүлікті өтеусіз пайдалануға беру Қазақстан Республикасының заңнамасында белгіленген тәртіппен жасалған шарттың талаптарымен жүзеге асырылады.

Ресей Федерациясының федералдық мемлекеттік білім беру стандарттары мен ММУ білім беру стандарттарына сәйкес жүзеге асырылатын білім беруді қоспағанда, филиалдың қызметі Қазақстан Республикасының заңнамасына сәйкес жүзеге асырылады.

Филиал Қазақстан Республикасының заңнамасына сәйкес таратылады.

4-бап

Филиалда жүзеге асырылатын білім беру қызметін лицензиялау және мемлекеттік аккредиттеу Ресей Федерациясының заңнамасына сәйкес жүргізіледі.

Қазақстан тарапынан филиалды мемлекеттік атtestatтау жүргізілмейді.

5-бап

Филиалда оқу федералдық мемлекеттік білім беру стандарттары және ММУ дербес бекітетін білім беру стандарттары негізінде, Қазақстан тарихы мен қазақ тілін міндетті түрде оқумен, негізінен даярлықтың мынадай бағыттары: "Математика", "Қолданбалы математика және информатика", "Филология", "Экология және табиғатты пайдалану", "Экономика" бойынша жүргізіледі.

Филиалда оқу күндізгі және күндізгі-сырттай оқыту нысандары бойынша жүзеге асырылады.

Филиалда оқу орыс тілінде жүргізіледі.

Қазақстан Республикасының еңбек нарығының білікті кадрларға қажеттіліктерін ескере отырып, Тараптардың уәкілетті органдары филиалда даярлықтың қосымша бағыттарын келісуі мүмкін.

6-бап

Филиалға оқуға қабылдау қағидалары Ресей Федерациясының заңнамасында, ал онда реттелмеген бөлігі ММУ Жарғысында реттеледі.

Филиалда білім алушылар үшін оқу процесі ММУ-дің нормативтік актісінде белгіленген тәртіппен тікелей ММУ-де өтуі мүмкін.

Филиалда оқу дәрістік, семинарлық және оқу жұмысының басқа да түрлерін өткізуге ММУ-дің профессорлық-оқытушылық құрамының қатысымен жүзеге асырылады.

ММУ және ЕҮУ ғылыми, білім беру және өзара қызығушылық танытатын өзге де қызмет салаларында ынтымақтастықты жүзеге асырады.

7-бап

Филиалда мемлекеттік қорытынды атtestatтаудан табысты өткен білім алушыларға Қазақстан Республикасының аумағында тану және нострификациялау рәсімдерінен өтпей танылатын білім туралы және (немесе) біліктілік туралы құжаттар беріледі. Аталған білім туралы және (немесе) біліктілік туралы құжаттардың үлгілерін ММУ белгілейді.

Қазақстан Республикасының мемлекеттік білім беру тапсырысының негізінде оқыған филиал түлектерінің міндетті түрде жұмыспен өтеу тәртібі Қазақстан Республикасының заңнамасына сәйкес айқындалады.

8-бап

Филиалдың қызметін қаржыландыру Қазақстан Республикасының мемлекеттік білім беру тапсырысы түрінде жоғары білімі және жоғары оқу орнынан кейінгі білімі бар мамандар даярлауға бөлінген республикалық бюджет қаражаты, сондай-ақ Қазақстан Республикасының заңнамасында тыйым салынбаған өзге де көздер есебінен жүзеге асырылады.

Филиалдың қызметін жүзеге асыру үшін материалдық-техникалық базамен қамтамасыз ету Қазақстан Республикасының заңнамасында көзделген талаптарға сәйкес Қазақстан тарапының қаражаты есебінен жүзеге асырылады.

Инженерлік коммуникацияларды (электрмен, жылумен, сумен жабдықтау, көріз) пайдалануға және өтеусіз пайдалануға берілетін оқу, оқу-көмекші, спорт аландарын және жатақхананы күтіп-ұстауға байланысты шығыстарды жабу Қазақстан Республикасының мемлекеттік білім беру тапсырысы шенберінде алынған филиалдың қаражаты және Қазақстан Республикасының заңнамасында тыйым салынбаған өзге де көздер есебінен жүзеге асырылады.

9-бап

Кадрларды даярлау саласында филиал ынтымақтастық пен өзара іс-қимылды Қазақстан Республикасының шаруашылық жүргізуші субъектілерімен Тараптар мемлекеттерінің заңнамасында көзделген мемлекеттік-жекешелік әріптестік шарттары мен қағидаттары негізінде дамытады.

10-бап

Осы Келісімнің ережелерін орындауды қамтамасыз ету үшін Тараптардың уәкілетті органдары мен ұйымдары екі Тарап мүшелерінің тең санынан тұратын Ведомствоаралық комиссияны құрады.

Ведомствоаралық комиссия осы Келісімнің мақсаттары мен міндеттерінің іске асырылуы және филиалдың Қазақстан тарапына бекітілген мүлікті пайдалануы тұрғысынан филиалдың білім беру және қаржылық-шаруашылық қызметін бірлесіп тексеруді жүзеге асырады.

Филиал қызметін бірлесіп тексеру үш жылда бір рет жүзеге асырылады.

Өзге тексерулер Қазақстан Республикасының заңнамасында белгіленген тәртіппен жүзеге асырылады.

Филиал қызметінде бұзушылықтар анықталған кезде Тараптардың уәкілетті органдары Тараптар мемлекеттерінің заңнамаларына сәйкес шаралар қабылдайды.

11-бап

Осы Келісімнің ережелерін қолдануға немесе түсіндіруге байланысты Тараптар арасындағы даулы мәселелер консультациялар мен келіссөздер арқылы шешіледі.

12-бап

Тараптардың келісіуі бойынша осы Келісімге жеке хаттамалармен ресімделетін және оның ажырамас бөлігі болып табылатын өзгерістер енгізілуі мүмкін.

13-бап

Осы Келісім Тараптардың мемлекеттері қатысушылары болып табылатын басқа халықаралық шарттардан туындастын құқықтары мен міндеттемелерін қозғамайды.

14-бап

Осы Келісім Тараптардың оның күшіне енүі үшін қажетті мемлекетішілік рәсімдерді орындағаны туралы соңғы жазбаша хабарламаны дипломатиялық арналар арқылы алған күнінен бастап күшіне енеді.

Филиалдың қызметі осы Келісім күшіне енген күннен бастап оның ережелерімен сәйкес келтірілуге тиіс.

15-бап

Осы Келісім белгіленбеген мерзімге жасалады.

Осы Келісімнің қолданысын Тараптардың кез келгені екінші Тарапқа оның қолданысын тоқтату ниеті туралы жазбаша хабарламаны дипломатиялық арналар арқылы жіберу арқылы тоқтатуы мүмкін. Мұндай жағдайда осы Келісімнің қолданысы екінші Тараптың осындай хабарламаны алған күннен бастап 10 ай өткен соң тоқтатылады.

2017 жылғы "___" ____ қаласында әрқайсысы орыс және қазақ тілдерінде екі данада жасалды әрі екі мәтіннің де күші бірдей.

Осы Келісімнің мәтіндері арасында алшақтық болған жағдайда Тараптар орыс тіліндегі мәтінге жүгінеді.

*Қазақстан Республикасының
Үкіметі үшін*

Ресей Федерациясының Үкіметі үшін